



Nou bezwen diversifye nou lekonomi

Sa leksperyans ki Sesel pe pas atraver an rezilta pandemi kovid-19 i fer li absoliman nesese ki Sesel i diversifye son lekonomi. Prezidan Ramkalawan ti met bokou lanfaz lo la dan son dernyen konferans-de-pres semenn pase. Son latansyon i vize ver lendistri lapas e lagrikiltir.

Prezidan in anonse ki dan sa bann prosen mwan gouvèrnman pou devlop bann lenfrastruktir valer azoute pou lendistri lapas.

Gouvèrnman pe osi sivre de pros bann devlopman lo zil Coetivy kot pour annan redevlopman elevaz krevet pou r (kontinyasyon lo paz 2)



Prodiksyon krevet pou byento en realite lo Coetivy

US i aplodi reisit gouvèrnman LDS

Finalman depite lider US, Msye Jacquelin Dugasse, in ouvertman aksepte ki gouvèrnman pe fer keksoz ki byen e ki pe anmenn benefis pour tou Seselwa. Msye Dugasse in rekonet ki gouvèrnman in reisi dan son demars pour stabiliz valer roupi ki'n kontinyelman apresye sa bann dernyen semenn. Mannyer i ti pe aplodi gouvèrnman ennler ou ti a krwar li ki minis finans dan sa gouvèrnman dirize par LDS. Sepourtan Msye Dugasse ti pe fer tousala dan en konferans-de-pres son parti kot son lider i pas tou son letan zis pou tir defo lo louvraz gouvèrnman LDS.

Sa ki ti pli soka ankor se mannyer Msye Dugasse in aplodi la fason ki gouvèrnman in antreprann size Air



*Msye Jacquelin Dugasse
- depite lider US*

Seychelles. In vreman soke ki gouvèrnman LDS in trouv en solisyon dan en lespas sis mwan tandis ki gouvèrnman US pa ti konnen ki pou fer pour bok-

ou lannen. A plizyer repriz dan lefase, Air Seychelles in en kosmar pou gouvèrnman US kot leta Seselwa ti bezwen kontinyelman antre dan det pour kit bann avyon dan lezer. Ti'n ariv en moman kot Air Seychelles ti nepli pour Sesel.

Ozordi zour, gouvèrnman LDS in garanti ki Air Seychelles i 100 poursan Seselwa e in remet sa lakonpannyen dan lanmen en nouvo group Seselwa pour determin son lavenir finansyel tandis ki gouvèrnman in abzorb tou det lakonpannyen.

Msye Dugasse i annan bokou lannen leksperyans dan finans. Aksyon gouvèrnman in enpresyonnn li me son lider pa ditou enpresyonnen avek son bann komanter.

Nou bezwen diversifye nou lekonomi

marse lokal ensi ki prodiksyon legim e zannimo. Sesel pou byento kapab prodwi son prop pti pou lye enporte parey i le ka konmela.

Sa bann demars i tre enportan pour pei aköz i a redwir lenportasyon e ogmant reveni deviz etranzer dan lekonomi.

Tou sa i montre determi-


nasyon nou Gouvernman pou pa les lebra tonbe an fas avek bann difikilte me okontrer pou rod tou fason batir en lekonomi pli solid. Lepep Seselwa, travayer e lakominote biznes in ralye deryer sa zefor. Sa i pa en kestyon politik. I tou senpleman en nesese nasyon pou sirviv e avanse koman en nasyon.

Lekel ki pou peye?

Tou dernyerman plizyer sitwayen in ase brav pour anmenn gouvernman ankour e demann konpansasyon pour zot popriyete ki ti ganny pran avek zot kont zot volonte. Devan komisyon laverite e rekonsilyasyon i osi annan plizyer ka kot bann viktim pe demann konpansasyon.

Finalman, tou sa bann depans se gouvernman Sesel ki pou bezwen peye dan en fason ou en lot. Sonm final pou vreman ekzorbitan me kote leta Seselwa pour ganny larzan pou pey tousala ?

Avek sa sitiasyon ekonomik koze par pandemi kovid-19 ki pou reste avek nou pou plizyer lannen, i tre probab ki bokou sa bann peyman pa pou kapab fer desito oubyen pour bezwen etale lo plizyer lannen.



Coetivy osi i ankour

I toutafe normal ki sa bann viktim labi pouwar anba gouvernman Lepep/US i ganny lazistis me en lazistis ki pou kout pei tre ser. Pour sa rezon, Seselwa i annan en lobligasyon pou fer sir okenn gouvernman ki vin opouwar pa abiz drwa son sitwayen ki alafen i kout pei bokou pa zis finansyerman me osi afekte son repitasyon. Se pa lot ki lopoziyon ki responsab pour nou sitiasyon e zot pa devret zanmen ganny okenn sans pou repet menm fot.

Lekel ki'n met biznes dan lanmen gro marsan?



En biznes prive ki ti nasyonelize san rezon

Diferans fondamantal ant US avek LDS i tre senp. US i oule kree dan Sesel en sosyete kot lamazorite sitwayen i viv en lavi depan dan lo leta tandis ki LDS i determinen pour kree en sosyete kot devlopman personnel en sitwayen i depan antyerman lo son zefor. Seselwa in viv anba sa sistenm ki US i krwar ladan pour plis ki 40-an. Ki nou'n eksperyanse anba sa sistenm?

US in kree en sosyete kot gouvernman in detri tou linyativ endividyel son sitwayen. Ti napa okenn fason en Seselwa ti kapab antreprann en biznes si son afilyasyon politik pa ti an faver parti opouwar. Avan koudeta ti annan bokou antreprenner Seselwa ki ti pe fer ekstrememan byen dan diferan sektè lekonomi. Bann pli gran laboutik ti pour Seselwa; konpanyen konstriksiyon ti pour Seselwa, transpor piblik ti dan lanmen bann antreprenner Seselwa, nou lendistri touris ti premye dan Losean Endyen e lanmizman pa ti manke anvil e dan bann distrik. Lavi ti gou.

Rezim parti inik ti pran bis e kanmiyon bann antreprenner san konpansasyon adekwa, fors bann Seselwa dan biznes kit pei oubyen nasyo-

naliz zot biznes enkli serten gran lotel. Antreprenarya e sikse dan biznes ti en krim anba rezim koudeta. Apre ki biznesmenn ti'n ganny viktimize e lamazorite ganny forse pou kit pei, Sesel in perdi bokou talan. Travayer konstriksiyon e travayer dan lendistri touris in sorti aletranze pou ranplas Seselwa e menm konkerir biznes magazen. En nouvo zenerasyon biznesmenn in pran kontrol apiye par gouvernman ki'n menm donn zot tou sort kalite konsesyon pou garanti ki zot reisir.

Sa largiman US ki gouvernman LDS pe met komers dan lanmen gro marsan i zis en distraksyon. Gouvernman US ti deside lekel ki ti vin gro marsan e lekel ki ti kontrol lendistri aköz se zot ki ti mantenir kontrol lo tou keksoz. Zot in detri konpetisyon e marse lib ensi ki kree en sistenm welfer ki dekouraz travay dir. Ozordi zour, lopoziyon i oule fer Seselwa krwar ki letan trwa laboutik STC i fermen vedir tou biznes pe al dan lanmen gro marsan. Tou Seselwa ozordi i annan menm posibilite pou prospere e ariv kot son potansyel i permet li. Se sa bi ki US pa oule LDS i akonplir aköz sa i ava dernyen klou dan zot serkey.